



ՀԱՍՏԱՏՈՒՄ ԵՄ՝
ՇՐՋԱԿԱ ՄԻՋԱՎԱՅՐԻ
ՆԱԽԱՐԱՐ
ՈՒ ՊԵՏՐՈՍՅԱՆ

« 26 » 10 2020թ.



ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ

ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ
ՓՈՐՁԱՔՆՆՈՒԹՅԱՆ

ԲՓ 000091

Ձեռնարկողը՝

«ՎԻԱ ԳՐՈՒՊ» ՍՊԸ

ք. Երևան, Լենինգրադյան հ.23/2 և հ.23/10

31

Գործունեությունը՝ Մալաթիա-Սեբաստիա վարչական շրջանի Լենինգրադյան հ.23/2 և հ.23/10 հասցեներում բազմաբնակարան բնակելի համալիրի կառուցման շրջակա միջավայրի վրա ազդեցության նախնական գնահատման հայր քաղաք Երևան

«Շրջակա միջավայրի վրա ազդեցության փորձաքննական կենտրոն» ՊՈԱԿ-ի տնօրենի պաշտոնակատար՝



Ա. Թարգյան

000091

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ
ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ ՓՈՐՁԱՔՆՆՈՒԹՅԱՆ

թիվ ԲՓ 000091
<<26>> 10 2020թ.

**Երևան քաղաքի Մալաթիա Սեբաստիա վարչական շրջան,
Լենինգրադյան հ.23/2 և հ.23/10 հասցեներում բազմաբնակարան
բնակելի համալիրի կառուցման շրջանի շրջակա միջավայրի վրա
ազդեցության նախնական գնահատման հայտ
Ներածական մաս**

Ձեռնարկող՝	«ՎԻԱ ԳՐՈՒՊ» ՍՊԸ
Ներկայացված նյութեր՝	Նախնական գնահատման հայտ Գ կատեգորիա
Տեղադրման վայրը՝	Երևան համայնք, Մալաթիա-Սեբաստիա վարչական շրջան

Ըստ նախագծի բազմաֆունկցիոնալ բնակելի համալիրի կառուցումը «ՎԻԱ ԳՐՈՒՊ» ՍՊԸ-ի կողմից նախատեսվում է իրականացնել Երևան քաղաքի Մալաթիա-Սեբաստիա վարչական շրջանի Լենինգրադյան հ.23/2 և հ.23/10 հասցեներում:

Համաձայն նախնական գնահատման հայտի նախատեսվող բազմաբնակարան բնակելի համալիրը կառուցվելու է անշարժ գույքի սեփականության իրավունք ունեցող 5196.16մ² ընդհանուր մակերեսով հողամասում՝ Երևանի քաղաքապետարանի կողմից տրված ճարտարապետահատակագծային առաջադրանքի հիման վրա:

Հողամասի նպատակային նշանակությունը բնակավայրերի է, իսկ գործառնականը՝ հասարակական կառուցապատման: Գործունեության նպատակը բնակելի շենքի կառուցումն է:

Նախատեսվող գործունեությունը համաձայն «Շրջակա միջավայրի վրա ազդեցության գնահատման և փորձաքննության մասին» ՀՀ օրենքի 14-րդ հոդվածի 6-րդ մասի 7-րդ կետի ա) ենթակետի հանդիսանում է Գ կատեգորիայի գործունեության տեսակ:

Նկարագրական մաս.

Գործունեության ենթակա տարածքը գտնվում է Լենինգրադյան փողոցի հարևանությամբ, Մալաթիա-Սեբաստիա վարչական շրջանի Լենինգրադյան հ.23/2 և հ.23/10 հասցեներում գտնվող հողատարածքում: Գործունեության համար տրամադրվող հողամասը կառուցապատումից ազատ տարածք է: Կից հողամասերն են Լենինգրադյան փողոց, «ՎԱԼԵՄ»



պլազա և հասարակական նշանակության շինությունները: Տարածքը գտնվում է Լենինգրադյան և «ՆՈՅ» թաղամասի միջանկյալ հատվածում: Հարևանությամբ, տարածքի ետնամասում «ՎԱԼԵՄ» համալիրի ամալի հողամասն է:

Ծիծեռնակաբերդի խճուղի-Լենինգրադյան-Մոնթե Մելքոնյան տրանսպորտային հանգույցը տարածքից ընկած է 450 մ հեռավորության վրա, հյուսիս արևմտյան ուղղությամբ: Տարածքի հարևանությամբ, հյուսիս-արևմտյան հատվածում իրականացվում է «Լույսեր» թաղամասի կառուցապատման աշխատանքները: Տարածքն ազատ է քանդման ենթակա շենք շինություններից: Տարածքում բացակայում են քանդման ենթակա շենք շինությունները և ծառերը, մասամբ առկա են տարբեր տեսակի թափոններ:

Շինասյուների հիմքերը տեղադրելուց առաջ հիմնատակը պետք է ընդունվի երկրաբանի կողմից հաստատված ակտով (բաց փոսորակի ընդունման ակտ), նպատակ ունենալով ճշտելու գրունտների համապատասխանությունը նախնական հետազոտման արդյունքներին:

Վերամբարձ կռանի աշխատելու ժամանակ բեռի ուղղահայաց և հորիզանական տղափոխությունները պետք է կատարվեն ազդարարի ազդանշանին համապատասխան, պահպանելով անվտանգության գոտու սահմանները, ինչպես նաև բեռի անկման հորիզոնական տեղափոխությունը /նախագծով այն համարվում է 10մ և նշահարելով դեղին գույնով, շինարարության ընթացքում մեկ աշտարակային կռունկի գործողության գոտում բացառել կից շենքի աշտարակային կռունկի գործողությունը տվյալ գոտում/: Անմիջապես հիմքերի տակ բնահողը մշակվում է ձեռքով, ձեռքի պարզագույն գործիքներով՝ փոքր մեխանիզմներով:

Բոլոր շինությունների շինարարական աշխատանքներն իրականացնվելու են միաժամանակ: Ըստ նշված բնութագրի ՍՆԻՊ 1.04.03-2008-ի նորմատիվներով նշված աշխատանքների իրականացումը հաշվարկված է 30 ամիս կամ 2.5 տարի, որից 1 ամիս նախապատրաստական փուլ: Շինարարական աշխատանքների իրականացման համար նախատեսում է 2 փուլ՝ նախապատրաստական և հիմնական: Շինարարական աշխատանքների ընթացքում օգտագործվելու են շինարարական մեքենաներ և մեխանիզմներ՝ բուլդոզեր, էքսկավատոր, աշտարակային վերամբարձ կռունկ, ավտոկռունկ, շարժական բետոնախառնիչ, ավտոբետոնախառնիչ, կոմպրեսորային կայան, եռակցման ապարատ և այլն: Նախատեսվող գործունեության շինարարական աշխատանքների կատարման ժամանակ օգտագործվելու են շինանյութեր՝ երկաթբետոն, սրբատաշ և կոպտատաշ քար, փայտ, մետաղ, ապակի, բարձրորակ սվաղի շաղախ, երեսապատման բարձրորակ նյութեր, ավազ, ցեմենտ, ներկանյութեր, բետոնե կոնստուկցիաներ, մետաղական կոնստուկցիաներ և այլն: Շինարարության համար անհրաժեշտ շաղախը և բետոնը բերվելու են պատրաստի վիճակում մասնագիտացված տրանսպորտային միջոցներով՝ ավտոբետոնախառնիչներով և շաղախատարներով:

Շինարարական աշխատանքների ժամանակ կառուցապատվող տարածքում հողային աշխատանքներից առաջացող հանույթի, մշակվող գրունտի ընդհանուր ծավալը նկատվում է 16284 խ.մ որից 3540 խ.մ կրկնակի կօգտագործվի: Հատկացվող հողամասում, համաձայն տեղամասում իրականացված ինժեներա-երկրաբանական ուսումնասիրության արդյունքների՝ պահպանության ենթակա բերրի հողաշերտը բացակայում է: Կօգտագործվի հետվիցքի համար,



Շինարարության ընթացքում բնառեսուրսներից օգտագործվելու է ջուր՝ տարածքների, հողի (գրունտի) ջրցանի, շինանձնակազմի խմելու և կենցաղային կարիքների համար: Ջրցանի ծավալները հաշվարկվում են այնպես, որպեսզի չառաջանան մակերևութային հոսքեր, այլ ջուրը բավականացնի միայն փոշենստեցման համար: Շենքերի կոյուղաջրերը հեռացվում են միասնական ինքնահոս համագարգով՝ կանգնակների միջոցով: Արտաքին կոյուղագիծը նախատեսվում է իրականացնել պոլիթիլենե Մ150-200մմ խողովակներով: Կոյուղագծի հանգուցային կետերում և անկյունների վրա նախատեսվում են դիտահորեր:

Բնակելի համալիրն ապահովված է լինելու սառը ջրամատակարարման, կենցաղային կոյուղու և ներքին հակահրդեհային համակարգերով: Ջրամիացումը և ջրահեռացումն իրականացվելու է «Վեոլիա Ջուր» ՓԲԸ կողմից տրվող ջրամիացման և ջրահեռացման նախագծման տեխնիկական պայմաններին համապատասխան՝ Լենինգրադյան փողոցով անցնող 500 մմ տրամագծի ջրագծից՝ 80մմ միացումով: Ջրագծի ջրի ճնշումը 0.5մթն., ջրամատակարարումը շուրջօրյա է: Ջրահեռացման միացման կետը տարածքի հարևանությամբ անցնող, գործող կոյուղագիծն է: Կոյուղու միացումն իրականացվելու է Լենինգրադյան փողոցով անցնող 1400 մմ տրամագծի կոյուղու կոլեկտորին՝ 200 մմ միացումով:

Շինարարության ավարտից հետո նախատեսվում է իրականացնել տնտեսական փորձարկումներ, ծառատունկ և կանաչապատում, որի համար կօգտագործվեն բացառապես տեղանքին բնորոշ, Երևանյան լանդշաֆտին համապատասխան բույսեր և կենդանի:



ծառատեսակներ: Նախագծով նախատեսված կանաչապատումը ներառում է՝ սիզամարգի տեսքով աշխատանքներ, ծաղկասածիլ, ծառատունկ:

Կանաչապատման մակերեսը կկազմի ընդհանուր հողամասի մինչև 40%-ը /մոտ 2000.0մ² /մակերեսը/, մնացածը կկազմի կառուցապատումը, ներառյալ՝ սալվածքները, ասֆալտապատումը և սպասարկման տարածքները: Քանի որ, տարածքում բացակայում է պահեստավորման ենթակա հողի բերրի շերտը, ուստի հողի բերրի շերտի հանման քանակ չի սահմանվում: Կանաչապատման համար նախատեսվում է նոր բուսահողի լիցք: Կանաչապատման աշխատանքների համար բուսահողի ձեռք բերումը կիրականացվի ՀՀ օրենսդրությամբ սահմանված կարգով՝ համաձայնեցված Երևանի քաղաքապետարանի հետ և կիրականացվեն դենդրոնախագծին համապատասխան: Կանաչապատումը ներառում է՝ սիզամարգի տեսքով աշխատանքներ և ծառատունկ: Դեկորատիվ տեսք ապահովելու նպատակով կանաչապատման համար օգտագործվելու է թույա, կաղնի, գնդաձև ակացիա, հացենի, թղկի, լացող ուռենի և այլ ծառատեսակներ, ինչպես նաև ծաղկասածիլներ և խոտի սերմ: Այս տեսակները հարմար են Երևանյան լանդշաֆտին և բնակլիմայական պայմաններին: Կանաչապատման համար անհրաժեշտ բուսահողի ձեռքբերումը, տեղափոխումը և օգտագործումն իրականացվելու է ՀՀ-ում գործող օրենսդրության պահանջներին համապատասխան:

Ոռոգումն իրականացվելու է նոր կառուցվող ոռոգման ցանցի միջոցով: Ամբողջ հողամասը կունենա ոռոգման ավտոմատ համակարգ:

Նախատեսվող գործունեության կատարման ժամանակ հնարավոր են շրջակա միջավայրի վրա ազդեցություններ, որոնք հիմնականում կապված կլինեն հողային ու բետոնային աշխատանքների, հողային զանգվածների և թափոնների տեղափոխման, նյութերի օգտագործման, շինարարական տեխնիկայի ու մեխանիզմների շահագործման, ճանապարհների ծանրաբեռնվածության, արտակարգ իրավիճակների առաջացման հետ:

Համաձայն նախնական գնահատման հայտի նախատեսվում են օդային ավազանի, հողային և ջրային ռեսուրսների աղտոտումից պահպանման, դրանց արդյունավետ օգտագործման, թափոնների կառավարման, աղմուկի մակարդակի ու արտակարգ իրավիճակների ռիսկի նվազեցմանն ուղղված բնապահպանական միջոցառումներ, որոնք ներառված են միջոցառումների ծրագրում և մոնիթորինգի պլանում, այդ թվում անհրաժեշտ է՝

- բոլոր մակերեսները, այդ թվում՝ ժամանակավոր օգտագործված տարածքները վերականգնել մինչև սկզբնական վիճակը,

- ամբողջ շինարարական աղբը, նյութերի մնացորդները և սարքավորումները հեռացնել շինհրապարակից,

- թփերի և ծառերի վերատնկման վայրը և քանակը համապատասխանեցնել դենդրոնախագծի պլանին, ապահովել թփերի 90% կաջողականությունը,

- գործունեության ազդեցության ենթակա տեղամասերում նախատեսվում է իրականացնել նախնական ուսումնասիրություն և ետնախազդային մոնիթորինգ,

- օգտագործել փոշու տարածումը կանխող ցանցեր,

- շինարարական աշխատանքների համար օգտագործել տեխնիկական որակի ջրի՝ տարածքում առկա ոռոգման ջրացանցից,



- ջրցանի ծավալները հաշվարկել այնպես, որ չառաջանան մակերևութային հոսքեր և ջուրը բավականացնի միայն փոշենստեցման համար,

- տարածքի հոսքաջրերը միավորել մեկ բակային ցանցում և միացնել գոյություն ունեցող հեղեղատար ցանցին:

- շինարարական նյութերի և քսայուղերի ժամանակավոր պահեստները տեղադրել բետոնապատ մակերեսի վրա, ինչն ապահովված կլին հոսակորուստների հավաքման համակարգով,

- քսայուղերի, հեղուկ վառելիքի հնարավոր մնացորդային քանակների առաջացման դեպքում վերջիններս պահել հատուկ անթափանց և փակ տարաներում՝ հետագայում որպես երկրորդային նյութ վերաօգտագործել շինարարական այլ աշխատանքներում կամ հանձնել վերամշակող կազմակերպություններին,

- աշխատանքների ավարտից հետո տարածքը բարեկարգել, վերականգնել և մաքրել առաջացած թափոնները՝ տեղափոխելով Երևանի քաղաքապետարանի կողմից հատկացված աղբավայր,

- շինհրապարակում բացառել թափոնների ժամանակավոր կուտակումները և տեղափոխել հատկացված վայրեր՝ համայնքի ղեկավարի կամ աղբավայրը շահագործողների հետ նախապես կնքված պայմանագրերի համաձայն,

- վտանգավոր թափոնների հանձնումն այն ընկերություններին, որոնք ունեն վտանգավոր նյութերի վնասազերծման կամ տեղակայման արտոնագիր,

- շինանյութերի ձեռք բերում՝ միայն լիցենզավորված մատակարարներից,

- շինարարական աշխատանքները և տրանսպորտի տեղաշարժը կազմակերպել ցերեկային ժամերին,

- շինարարական տեխնիկական միջոցների ընտրության ժամանակ հատուկ ուշադրություն դարձնել դրանց աղմուկի մակարդակին,

- խուսափել աղմկահարույց մեքենաների ու սարքավորումների օգտագործումից և պարտադիր ապահովել համապատասխան խլացուցիչներով:

Բնապահպանական կառավարման պլանում նախանշված են մեղմացնող միջոցառումների կատարումը և դրանց արդյունավետությունը ստուգելու նպատակով իրականացվելու է կանոնավոր մոնիթորինգ, որի համար նախատեսված ծախսերը տարեկան կկազմեն 350.000 ՀՀ դրամ:

Պատճառաբանական մաս. համաձայն նախնական հայտի, բազմաֆունկցիոնալ բնակելի համալիրը կառուցվելու և շահագործվելու է ՀՀ-ում գործող օրենսդրության ու նորմատիվատեխնիկական փաստաթղթերի պահանջներին համապատասխան:

Շրջակա միջավայրի վրա ազդեցությունները լինելու են շինարարության փուլում և կրելու են ժամանակավոր բնույթ: Հայտով նախատեսված միջոցառումների կատարման արդյունքում կնվազեցվեն շրջակա միջավայրի վրա հնարավոր բացասական ազդեցությունները:

Հայտը լրամշակվել է նաև տրված դիտողությունների և առաջարկությունների հիման վրա: Փորձաքննական գործընթացին ներգրավվել են արտակարգ իրավիճակների նախարարությունը, կրթության գիտության մշակույթի և սպորտի նախարարությունը,



առողջապահության նախարարությունը, քաղաքաշինության կոմիտեն, շրջակա միջավայրի նախարարության ստորբաժանումները:

Օրենսդրությամբ սահմանված կարգով Երևան քաղաքում իրականացվել են հանրային քննարկումներ, որի ընթացքում հանրությունը դրական է արտահայտվել նախատեսվող գործունեության վերաբերյալ:

Փորձաքննական պահանջներ

1. Շինարարական աշխատանքների իրականացման ընթացքում անհրաժեշտ է հետևել նախնական գնահատման հայտով ամրագրված բնապահպանական միջոցառումների կատարմանը, իսկ դրանց չբավարարման դեպքում՝ նախատեսել բնապահպանական և շինարարական նորմերի պահպանմանն ուղղված լրացուցիչ միջոցառումներ:
2. Նախատեսվող շինարարական աշխատանքներն անհրաժեշտ է կատարել օրվա սահմանված ժամերին, հնարավորինս նվազագույնի հասցնելով բնակելի տարածքներում աղմուկի և ճանապարհների բեռնվածությունը:
3. Բետոնի տեղափոխումն իրականացնել հայտում նախատեսված ձևով՝ բացառելով շինարարական հրապարակում կամ հարակից տարածքներում բետոնի արտադրությունը:
4. Նախատեսվող գործունեության իրականացման ընթացքում պահպանել արտակարգ իրավիճակների և աշխատանքի անվտանգության ՀՀ օրենսդրությամբ սահմանված նորմերն ու կանոնները՝ համաձայն ՀՀ առողջապահության նախարարի 2017թ. մարտի 28-ի թիվ 12-Ն հրամանի պահանջների:
5. Իրականացնել շինհրապարակի որակի, բանվորական հագուստի կուլտուրայի, անվտանգության կանոնների պահպանմանն ուղղված մշտադիտարկում՝ համաձայն ՀՀ կառավարության 2020թ. հուլիսի 2-ի նիստի N 87 արձանագրային որոշման պահանջներին:
6. Էլեկտրահաղորդիչ գծերի, խմելու ջրի խողովակաշարի կամ այլ չնախատեսված կոմունիկացիաների հետ հատման հատվածներում շինարարական աշխատանքներն իրականացնել համապատասխան մարմինների թույլատվությամբ:
7. Անհրաժեշտ է ապահովել հայտով ամրագրված կանաչապատման աշխատանքների իրականացումը և խնամքը:
8. Ժամանակավոր պարսպապատել շինարարական հրապարակը, իսկ կառուցվող շենքերը և շինությունները պարփակել շինարարությանը համապատասխան բարձրության ցանցով:
9. Լվանալ շինարարական հրապարակից դուրս եկող ավտոմեքենաների անվադողերը:
10. Շինարարական աշխատանքների ժամանակ անհրաժեշտ է պատշաճ կերպով իրականացնել ջրցանման աշխատանքները՝ նվազագույնի հասցնելով փոշու առաջացումը:
11. Ուսումնասիրվող տարածքը չի առնչվում Մալաթիա-Սեբաստիա վարչական շրջանում գոյություն ունեցող մշակութային հուշարձանների, պահպանության ենթակա տարածքների կամ կենսաբազմազանության տեսակների հետ: Համաձայն ՀՀ կառավարության 2002 թվականի ապրիլի 20-ի N 438 որոշման 43-րդ կետի՝ «Հիմնարկները, իրավաբանական և ֆիզիկական անձինք աշխատանքների կատարման ժամանակ պատմական, գիտական, գեղարվեստական և այլ մշակութային արժեք ունեցող հնագիտական և այլ օբյեկտների»



հայտնաբերման պահից պարտավոր են դադարեցնել աշխատանքները և դրա մասին անհապաղ հայտնել լիազորված մարմնին»:

ԵԶՐԱՓԱԿԻՉ ՄԱՍ

«ՎԻԱ ԳՐՈՒՊ» ՍՊԸ-ի կողմից ներկայացված Երևան քաղաքի Մալաթիա Սերաստիա վարչական շրջանի Լենինգրադյան հ.23/2 և հ. 23/10 հասցեներում բազմաբնակարան բնակելի համալիրի կառուցման շրջակա միջավայրի վրա ազդեցության նախնական գնահատման հայտի վերաբերյալ տրվում է դրական եզրակացություն՝ վերը նշված փորձաքննական պահանջների պարտադիր կատարման պայմանով:

Տնօրենի տեղակալ՝

Գլխավոր մասնագետ՝



Գ. Գևորգյան

Յու. Մատինյան